



Broj/Број:02/1-50-1-25-23/04  
Sarajevo/Сарајево: 20.4.2004.

## **Z A P I S N I K**

### **Dvadeset treće radne sjednice Ustavno-pravne komisije Doma naroda Parlamentarne skupštine Bosne i Hercegovine, održane 20.4.2004.god.**

Sjednica je počela s radom u 13: 30 sati.

Sjednici su nazočni bili članovi komisije: Tomislav Limov, Nade Radović, Boško Šiljegović, Hilmo Neimarlija, Ilija Filipović i Halid Genjac. Sjednicom je predsjedao predsjedatelj Komisije Ilija Filipović. Pored članova Komisije sjednici su nazočni bili: ministar civilnih poslova BiH Safet Halilović, zamjenik ministra pravde BiH Niko Grubešić, tajnik Ministarstva sigurnosti BiH Bakir Dautbašić, tajnik Ministarstva pravde Jusuf Halilagić, pomoćnik ministra u Ministarstvu vanjske trgovine i ekonomskih odnosa Dragiša Mektić, predstavnici OHR-a, Svjetske banke i tajnik Ustavno-pravne komisije Doma naroda Aljoša Čampara.

Za sjednicu je predložen i jednoglasno usvojen sljedeći

### **D N E V N I R E D :**

1. Usvajanje Zapisnika 20.21. i 22. sjednice Ustavno-pravne komisije Doma naroda;
2. Prijedlog Okvirnog zakona o visokom obrazovanju u BiH – predlagatelj Vijeće ministara BiH;
3. Prijedlog zakona o izmjeni zakona o vanjskotrgovinskoj politici BiH – predlagatelj Vijeće ministara BiH;
4. Prijedlog zakona o parničnom postupku pred Sudom BiH – predlagatelj Vijeće ministara BiH;
5. Prijedlog zakona o Visokom sudskom i tužilačkom vijeću BiH – predlagatelj Vijeće ministara BiH;
6. Prijedlog zakona o osnivanju Instituta za standardizaciju BiH – predlagatelj Vijeće ministara BiH;
7. Prijedlog zakona o osnivanju Instituta za intelektualno vlasništvo BiH – predlagatelj Vijeće ministara BiH;
8. Prijedlog zakona za osnivanje Instituta za mjeriteljstvo/metrologiju BiH – predlagatelj Vijeće ministara BiH;
9. Prijedlog zakona o izmjenama i dopunama zakona o ministarstvima i drugim tijelima uprave BiH – predlagatelj Vijeće ministara BiH;
10. Prijedlog zakona o izmjeni Zakona o Ombudsmanu za ljudska prava BiH – predlagatelj Predsjedništvo BiH;
11. Prijedlog zakona o izmjenama Zakona o carinskoj politici BiH – Predlagatelj Vijeće ministara BiH;

12. Prijedlog zakona o postupku medijacije – predlagatelj Vijeće ministara BiH;
13. Prijedlog zakona o radu u institucijama BiH – predlagatelj Vijeće ministara BiH;
14. Prijedlog zakona o programu zaštite svjedoka u Bosni i Hercegovini - predlagatelj Vijeće ministara BiH;
15. Prijedlog zakona o sprečavanju pranja novca - predlagatelj Vijeće ministara BiH;
16. Prijedlog zakona o izmjenama i dopunama zakona o državnoj službi u institucijama Bosne i Hercegovine - predlagatelj Vijeće ministara BiH;
17. Prijedlog zakona o izmjenama i dopunama zakona o krivičnom postupku Bosne i Hercegovine - predlagatelj Vijeće ministara BiH;
18. Prijedlog zakona o izmjenama i dopunama Izbornog zakona BiH – predlagatelj Izborna komisija BiH;
19. Tekuća pitanja.

#### **Ad.1. Usvajanje Zapisnika 20.21. i 22. sjednice Ustavno-pravne komisije Doma naroda**

Zapisnici 20.,21.i 22. sjednice usvojeni su jednoglasno bez ikakvih primjedbi.

#### **Ad.2. Prijedlog Okvirnog zakona o visokom obrazovanju u BiH**

Prijedlog zakona je raspravljana sa aspekta usklađenosti s Ustavom BiH.Uvodno obrazloženje podnio je ministar Safet Halilović.U raspravi su sudjelovali uzeli izaslanici Ilija Filipović, Hilmo Neimarlija i Tomislav Limov. Nakon završetka rasprave Komisija je većinom glasova donijela odluku da je Prijedlog zakona u skladu s Ustavom BiH.

#### **Ad.3.– 11.**

Prijedlozi zakona označeni pod ovim točkama dnevnog reda raspravljani su s aspekta usklađenosti s Ustavom BiH.Komisija je jednoglasno utvrdila da su prijedlozi zakona podneseni od strane ovlaštenih predlagatelja i da su u skladu s Ustavom BiH, te se upućuju u dalju parlamentarnu proceduru sukladno poslovničkim odredbama.

#### **Ad.12. Prijedlog zakona o postupku medijacije**

U ime predlagatelja Komisiji se obratio zamjenik ministra pravde BiH Niko Grubešić i tajnik ministarstva Jusuf Halilagić.Amandmane na Prijedlog zakona uložio je izaslanik Osman Brka koji su identični amandmanima Ustavno-pravne komisije Zastupničkog doma.Komisija je jednoglasno prihvatila Prijedlog zakona s tim što je odgodila raspravu o amandmanima iz razloga što je mišljenja da se prvo treba isjasniti Komisija Zastupničkog doma koja je najavila redefiniciju predloženih amandmana, pa bi se onda zakazala sjednica Ustavno-pravne komisije ili sjednica Doma naroda, tako da bi se usvojio Prijedlog zakona u identičnom tekstu.

#### **Ad.13. Prijedlog zakona o radu u institucijama BiH**

Uvodna izlaganja povodom ove točke dnevnog reda podnio je zamjenik ministra pravde BiH Niko Grubešić.Amandmana na Prijedlog zakona nije bilo. Komisija je jednoglasno prihvatila Prijedlog zakona i upućuje ga u dalju parlamentarnu proceduru prema Domu naroda.

#### **Ad.14. Prijedlog zakona o programu zaštite svjedoka u Bosni i Hercegovini**

Ispred predlagatelja Komisiji se obratio tajnik Ministarstva sigurnosti BiH Bakir Dautbašić. Amandmana na Prijedlog zakona nije bilo. Komisija je jednoglasno prihvatila Prijedlog zakona u osnovnom zakonodavnom postupku komisijske faze i kao takvog ga upućuje Domu naroda u dalju parlamentarnu proceduru.

#### **Ad.15. Prijedlog zakona o sprečavanju pranja novca**

Ispred predlagatelja Komisiji se obratio tajnik Ministarstva sigurnosti BiH Bakir Dautbašić. Izaslanik Halid Genjac je uložio četiri amandmana koje je Komisija jednoglasno usvojila i koji su postali sastavni dio teksta Prijedloga zakona i kao takvog ga upućuje u dalju parlamentarnu proceduru kako slijedi:

##### **Amandman I**

U članku 2. dodaju se stavak 6. i 7. koji glase:

"6. Naznaka vrijednosti u "KM" također se odnosi i na odgovarajuću vrijednost u bilo kojoj stranoj valuti prema važećem službenom kursu u vrijeme transakcije.

7. "Gotovina" znači kovanice ili valutu Bosne i Hercegovine ili bilo koje druge zemlje, putničke čekove, osobne čekove, bančine čekove, poštanske doznačnice, te ostala sredstva plaćanja u takvoj formi da se titular mijenja po uručanju."

##### **Amandman II**

U članku 13. stavak 1. tačke 2. i 3. mijenjaju se i glase:

"2. O gotovinskoj transakciji čija vrijednost iznosi ili prelazi sumu od 30.000 KM.

3. O povezanim gotovinskim transakcijama čija ukupna vrijednost iznosi ili prelazi sumu od 30.000 KM."

##### **Amandman III**

U članku 22. stavak 1. mijenja se i glasi:

"Ako FOO na osnovu podataka, informacija i dokumentacije pribavljene u skladu sa odredbama ovog zakona ocijeni da postoje osnove sumnje da je u pitanju krivično djelo povezano sa nekom transakcijom ili licem, dužna je da tužiocu dostavi pismeno obavještenje sa potrebnom dokumentacijom."

##### **Amandman IV**

U članku 26. stavak 1. i stavak 2. točka a) mijenjaju se i glase:

"1. Radi objedinjavanja i analize svih podataka u vezi pranja novca i finansiranja terorističkih aktivnosti, tužilaštva su dužna da FOO-u dostavljaju informacije o krivičnim djelima pranja novca i finansiranja terorističkih aktivnosti, te o prekršajima, a u skladu sa odredbama 39. i 40. ovog zakona.

2. Tužilaštva su dužna da FOO-u dva puta godišnje dostave sljedeće informacije o predmetima za koje je optužnica potvrđena:

a) ime, prezime, datum rođenja i stalno prebivalište, odnosno naziv i sjedište firme, protiv koje je potvrđena optužnica za pranje novca ili finansiranje terorističkih aktivnosti ili je podnesen zahtjev za pokretanje prekršajnog postupka zasnovan na odredbama ovog zakona."

#### **Ad.16. Prijedlog zakona o izmjenama i dopunama zakona o državnoj službi u institucijama Bosne i Hercegovine**

Komisiji se u ime predlagatelja obratio tajnik Ministarstva sigurnosti BiH Bakir Dautbašić. Amandmana na Prijedlog zakona nije bilo. Komisija je jednoglasno prihvatila Prijedlog zakona i upućuje ga u dalju parlamentarnu proceduru prema Domu naroda.

#### **Ad.17. Prijedlog zakona o izmjenama i dopunama zakona o krivičnom postupku Bosne i Hercegovine**

Komisiji se obratio u ime predlagatelja tajnik Ministarstva sigurnosti Bakir Dautbašić. Amandmana na Prijedlog zakona nije bilo. Komisija je jednoglasno prihvatila Prijedlog zakona i upućuje ga u dalju parlamentarnu proceduru prema Domu naroda.

#### **Ad.18. Prijedlog zakona o izmjenama i dopunama Izbornog zakona BiH**

Komisija je iskoristila svoje pravo u produženoj amandmanskoj raspravi sa 22. sjednice te usvojila Prijedlog zakona o izmjenama i dopunama Izbornog zakona sa tri amandmana koja je uložio izaslanik Halid Genjac koji su postali sastavni dio teksta Prijedloga zakona i kao takvog ga upućuju u dalju parlamentarnu proceduru prema Domu naroda kako slijedi:

##### **Amandman I**

Iza članka 46. dodaje se novi članak 47. koji glasi: " Izuzetno od odredbi poglavlja IV Izbornog zakona BiH, Izborna komisija BiH odredit će rokove za primjenu članka 13.14 Izbornog zakona BiH. (članak 37. ovog zakona)"

Raniji članak 47. postaje članak 48.

##### **Amandman II**

Iza članka 48. (raniji članak 47.) dodaje se novi članak 49. koji glasi: "Odredbe ovog zakona direktno će se primjenjivati na Općinske izbore 2004. godine."

Raniji članak 48. postaje članak 50.

##### **Amandman III**

U članku 50. (raniji članak 48.) riječi: "osam (8) dana" mijenjaju se rječju: "odmah".

Komisija je završila s radom u 15:00 sati.

Neautorizirani transkript čini sastavni dio zapisnika.

**Tajnik komisije**  
**Dipl.iur. Aljoša Čampara v.r.**

**Predsjedatelj komisije**  
**Ilija Filipović dipl.iur. - v.r.**